

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON

KANTONALNI SUD U TUZLI

Broj: 03 0 K 025535 25 K

Tuzla, 26.09.2025. godine

## U IME FEDERACIJE BOSNE I HERCEGOVINE!

Kantonalni sud u Tuzli, u vijeću sastavljenom od sudije Merime Gutić, kao predsjednice vijeća, sudija Amire Ferizbegović i Ilvane Delić, kao članova vijeća, sa zapisničarem Jasminom Mustafićem, u krivičnom predmetu optuženog Emira Selimovića, zbog dva krivična djela Ubistvo iz člana 166. stav 2. tačka a), u vezi sa članom 54. Krivičnog zakona Federacije Bosne i Hercegovine, odlučujući po optužnici Kantonalnog tužilaštva Tuzlanskog kantona broj T03 0 KT 0123709 25 od 04.08.2025.godine, koja je potvrđena dana 06.08.2025. godine, nakon usmenog i javnog glavnog pretresa održanog dana 25.09.2025. godine, donio je i u prisustvu tužioca Kantonalnog tužilaštva Tuzlanskog kantona, optuženog Emira Selimovića i njegovog branioca Zijada Babajića, advokata iz Tuzle, dana 26.09.2025. godine, javno objavio

## P R E S U D U

OPTUŽENI SELIMOVIĆ EMIR sin Ć. i majke E. rođene R., rođen 04.04.1987. godine u Tuzli, nastanjen u ulici ..., općina K., po zanimanju vozač, srednjeg imovnog stanja, Bošnjak, državljanin BiH, JMBG ..., neosuđivan

## K r i v j e

što je:

Dana 12.02.2025. godine u vremenskom periodu od 03,00 sati do 06,00 sati, u ulici ..., općina Kalesija, u stanu broj ..., na ... spratu ..., u kojem je živio zajedno sa suprugom I.S. i sinom Mldb.1 rođenim 2011. godine, iako svjestan svojih podmuklih radnji u namjeri da I.S. i sina Mldb.1 liši života, a što je i htio, nakon što je utvrdio da I.S. i sin Mldb.1 čvrsto spavaju i to I.S. u prostoru dnevnog boravka a sin Mldb.1 u zasebnoj sobi, te da zbog dubokog sna nisu u mogućnosti pružiti bilo kakav otpor, došao do ležaja na kojem je spavala I.S., kada ju je svojim rukama snažno počeo stezati u predjelu vrata i na taj način sprečavajući I.S. disanje, te je predio vrata snažno stezao sve dok nije vidio da je I.S. prestala disati nanijevši joj tom prilikom povrede u vidu brojnih sitnih tačkasto i sitno mrljastih krvarenja veznica oba oka, u predjelu lijeve uške, lijevog slijepoočnog predjela glave, desnom obraznom predjelu lica, donje polovice vanjske strane desne uške, desne strane vrata, lijevo ispod donjeg ruba donje vilične kosti, kao i u predjelu tkiva mekog oglavka te baze oba pluća, nepravilno okruglaste oguljotine kože donjeg dijela desne strane lica, neposredno ispod donjeg ruba donje- vilične kosti, promjera oko 0.9 x 1.1 cm., potom u desnom dosredišnjem dijelu vrata u nivou grkljana, promjera oko 1 cm., izduženog ovalnog krvnog podliva kože lijeve bočne strane vrata, dužine oko 0.7 i širine do oko 0.4 cm. te jedan iznad ovoga na udaljenosti oko 1 cm.,

istih dimenzija, a koji se nalazi u istom nivou kao prethodni, krvne podlivenosti mišića u donjem dijelu vrata sprijeda, a u nivou neposredno ispod grkljana, sitno pjenušave dijelom sukrućave tečnosti u zjapu dušnika, posebno njegovog donjeg dijela kao i glavnih ogranaka dušnica, izrazita krvna podlivenost meko- tkivnih struktura i mišića na bočnim stranama vrata, na udaljenosti od oko 1 cm ispod donjeg ruba grljana, po jedno izduženo polje, lijevo dužine oko 4 i desno oko 3 cm, a širine do oko 2 cm., dva krvna podliva mekih tkiva i to po jedan sa svake strane stražnjeg dijela ulaza u grkljan kao i na prednjoj strani donjeg dijela grkljana i gornjeg dijela dušnika, u dužini od oko 5 cm. i širini do oko 2.5 cm., krvne podlivenosti korijena jezika opšte višekrvnosti tkiva i organa dva krvna podliva tkiva mekog oglavka, jednog u lijevom bočno gornjem i stražnjem čeonom predjelu, veličine manjeg muškog dlana i drugo u okruglastom polju promjera oko 3.5 x4 cm u stražnjem gornjem tjemenom predjelu glave, minimalanog izliva krvi ispod tvrde mozgovne ovojnice na konveksitetu obiju polutina velikog mozga, usljed čega je nastupila smrt I.S. zagušenjem, a zatim je otišao do sobe u kojoj je na ležaju spavao njegov sin Mldb.1 te je svojim rukama snažno počeo stezati vrat Mldb.1 i na taj način sprečavajući disanje Mldb.1, nanijevši mu tom prilikom povrede u vidu brojnih sitnih tačkasto i sitno mrljastih krvarenja u koži čela, lica, gornjeg desnog očnog kapka, desnog slijepoočnog predjela glave, desnog zaušnog predjela kao i u veznicama desnog oka, te u tkivu mekog oglavka i ispod nasrčnice kako u predjelu prednje strane lijeve komore srca, tako i straga u predjelu njegove baze te ispod plućnice baze oba pluća kao i u tkivu vilače, osam uglavnom izduženo ovalnih odnosno okruglastih oguljotina kože prednje strane vrata, u nivou grkljana, nešto bočno lijevo, a posebno desno iznad i prema donjem rubu donje-vilične kosti, s tim što je jedan od njih, a koja se nalazi ispod donjeg dijela desne polovice donje vilice je izduženo okruglastog oblika, položena gotovo horizontalno dužine oko 2.8 i širine do oko 0.8-0,9 cm. te jedne vodoravno postavljene crtaste oguljotine kože u predjelu jedne od njih i to u njenom bazalnom dijelu, a koja se nalazi u desnom dosredišnjem dijelu vrata u nivou gornjeg dijela grkljana, dužine oko 0.8 cm., krvne podlivenosti mekih tkiva u nivou grkljana obostrano u poljima uglavnom okruglastog oblika promjera nešto većeg od 1 cm. kao i sa obje bočne strane gornjeg nivoa dušnika te krvni podlivi u bočnim dijelovima vrata nešto iznad grkljana, obostrano, kao i u predjelu ulaznog dijela u dušnik obostrano, po jedno krvarenje okruglastog oblika, prečnika nešto manjeg od 1 cm. sitno pjenušave dijelom sukrućave tečnosti u zjapu dušnika, osobito njegovog donjeg dijela i dušnica, opšte višekrvnosti tkiva i organa usljed čega je nastupila smrt Mldb.1 zagušenjem nakon čega je izašao iz stana pri čemu je uzeo ključeve putničkog motornog vozila marke „Škoda Fabia“ registarskih oznaka ... vlasništvo njegove supruge I.S. te sa vanjske strane zaključao ulazna vrata stana, a potom se sa navedenim vozilom udaljio u nepoznatom pravcu skrivajući se na raznim lokacijama na prostoru Bosne i Hercegovine sve do dana 17.02.2025. godine kada je otkriven da se skriva na području općine Prnjavor, Republika Srpska, kada je i lišen slobode.

Čime je počinio krivično djelo Ubistvo iz člana 166. stav 2. tačka a) Krivičnog zakona Federacije Bosne i Hercegovine u odnosu na oštećenu I.S., u sticaju sa krivičnim djelom Ubistvo iz člana 166. stav 2. tačka a) Krivičnog zakona Federacije Bosne i Hercegovine u odnosu na oštećenog Mldb.1

pa sud optuženom, primjenom navedenih odredaba te članova 42., 43b., 49. stav 1. i 54. stav 1. Krivičnog zakona Federacije Bosne i Hercegovine utvrđuje

- za krivično djelo Ubistvo iz člana 166. stav 2. tačka a) Krivičnog zakona Federacije Bosne i Hercegovine u odnosu na oštećenu I.S. kaznu dugotrajnog zatvora u trajanju od 44 (četrdesetčetiri) godine,

- za krivično djelo Ubistvo iz člana 166. stav 2. tačka a) Krivičnog zakona Federacije Bosne i Hercegovine u odnosu na oštećenog Mldb.1 kaznu dugotrajnog zatvora u trajanju od 44 (četrdesetčetiri) godine,

pa ga primjenom odredaba o sticaju iz člana 54. stav 2. tačka a) Krivičnog zakona Federacije Bosne i Hercegovine

## O S U Ā U J E

### NA JEDINSTVENU KAZNU DUGOTRAJNOG ZATVORA U TRAJANJU OD 45 (ČETRDESETPET) GODINA.

Na osnovu člana 57. stav 1. Krivičnog zakona Federacije Bosne i Hercegovine optuženom se u izrečenu jedinstvenu kaznu dugotrajnog zatvora uračunava vrijeme koje je proveo u pritvoru od 17.02.2025. godine od 10,45 sati pa do upućivanja na izdržavanje kazne zatvora.

Na osnovu člana 202. stav 1. Zakona o krivičnom postupku Federacije Bosne i Hercegovine optuženi je dužan da plati ovom sudu troškove krivičnog postupka u iznosu od 4.748,86 KM, od čega je 1.992,00 KM na ime obavljenih medicinskih vještačenja: 1.400,00 KM na ime obavljenog psihijatrijsko psihološkog vještačenja; 280,00 KM na ime obavljenog informaciono komunikacijskog vještačenja; 379,46 KM na ime izvršene usluge preuzimanje prevoza leša JKP Komemorativnom centru doo Tuzla; 674,00 KM na ime prevoza vozila JKP „Saobraćaj i komunikacije Tuzla“ doo Tuzla i 23,40 KM JZU Dom zdravlja Mustafa Šehović na ime izvršenog tjelesnog pregleda, te je dužan platiti i 100,00 KM na ime paušalnog iznosa, sve u roku od 15 dana po pravosnažnosti presude, pod prijetnjom prinudnog izvršenja, dok će sud u odnosu na troškove koji se odnose na nužne izdatke branioca u skladu sa odredbom člana 200. stav 2. ZKP FBiH donijeti posebno Rješenje o visini troškova kad se ti podaci pribave.

Na osnovu člana 212. stav 3. Zakona o krivičnom postupku Federacije Bosne i Hercegovine oštećeni Š.B. i S.B. se upućuju da svoj imovinskopravni zahtjev ostvaruju u parničnom postupku.

## O b r a z l o Ź e n j e

Kantonalno tužilaštvo Tuzlanskog kantona, optužnicom broj: T03 0 KT 0123709 25 od 04.08.2025.godine, koja je potvrđena rješenjem Kantonalnog suda u Tuzli broj: 03 0 K 025535 25 Kps dana 06.08.2025. godine, optužilo je Emira Selimovića, da je počinio dva krivična djela Ubistvo iz člana 166. stav 2. tačka a) Krivičnog zakona Federacije Bosne i Hercegovine (KZ FBiH) počinjeno u odnosu na oštećenu I.S. u sticaju sa krivičnim djelom Ubistvo iz člana 166. stav 2. tačka a) Krivičnog zakona Federacije Bosne i Hercegovine u odnosu na oštećenog Mldb.1.

Na ročištu za izjašnjenje o krivnji održanom dana 03.09.2025. godine, pred sudijom za prethodno saslušanje, optuženi Emir Selimović se izjasnio da nije kriv za krivično djelo Ubistvo iz člana 166. stav 2. tačka a) KZ FBiH počinjenih u sticaju u odnosu na oštećenu I.S. i oštećenog Mldb.1, a koja mu se optužnicom stavljaju na teret.

Na glavnom pretresu održanom pred ovim sudom dana 25.09.2025. godine, branilac optuženog, advokat Babajić Zijad, je izjavio da je njegov branjenik, nakon konsultacije i obavljenog razgovora sa njim, kao i nakon uvida u dokaze koji se nalaze u tužilačkom spisu odlučio da promijeni izjavu o krivnji, tako da u cijelosti priznaje krivnju da je izvršio krivična djela ubistvo na podmukao način, prema supruzi I.S. i prema sinu na mjestu, u vrijeme i na način kako je to navedeno u dispozitivu potvrđene optužnice, što je optuženi Emir Selimović u cjelosti potvrdio.

Pošto izjava optuženog kojom je priznao učinjenje krivičnog djela ubistvo iz člana 166. stav 2. tačka a) KZ FBiH u sticaju i to upravo na način kako mu se optužnicom stavlja na teret, predstavlja dokazno sredstvo, odnosno izvor saznanja o činjenicama koje se utvrđuju u krivičnom postupku i pošto samo na priznanju krivnje nije moguće zasnovati presudu kojom se optuženi oglašava krivim, ovaj sud je, provjerio da li je priznanje optuženog na glavnom pretresu potpuno i u skladu sa dokazima, nakon što se optuženi Emir Selimović izjasnio da su tačni svi činjenični navodi iz optužnice, uvrstio u dokaze: zapisnik o saslušanju svjedoka Š.B. od 17.06.2025.godine, zatim zapisnik o saslušanju Š.B., isto tako od 13.02.2025.godine, zapisnik o saslušanju svjedoka E.G. od 16.06.2025.godine, zatim zapisnik o saslušanju svjedoka E.G. od 16.06.2025.godine, zapisnik o saslušanju svjedoka D.M. od 13.02.2025.godine, zatim zapisnik o saslušanju svjedoka A.A. od 13.02.2025.godine, zatim zapisnik o saslušanju svjedoka T.I. od 13.02.2025.godine, zatim zapisnik o saslušanju svjedoka M.Đ. od 13.02.2025.godine, zatim zapisnik o saslušanju svjedoka E.M. od 13.02.2025.godine, zapisnik o saslušanju svjedoka E.M. od 13.02.2025.godine, zatim zapisnik o saslušanju svjedoka D.D. od 14.02.2025.godine, zatim zapisnik o saslušanju svjedoka L.U. od 20.02.2025.godine, zatim zapisnik o saslušanju svjedoka N.S. od 19.04.2025.godine, zatim zapisnik o saslušanju svjedoka M.G. od 12.06.2025.godine, zatim zapisnik o saslušanju svjedoka E.H. od 13.06.2025.godine, zatim zapisnik o saslušanju svjedoka A.D. od 20.06.2025.godine, zatim zapisnik o saslušanju svjedoka A.M. od 16.07.2025.godine, zatim zatim zapisnik o saslušanju svjedoka L.U. od 29.07.2025.godine, zatim zatim zapisnik o saslušanju svjedoka K.H. od dana 13.02.2025.godine, to je što se tiče izjava svjedoka. Zatim, idemo na materijalne dokaze i redom kako su zavedeni u samoj optužnici, znači naredba za obdukciju Kantonalnog tužilaštva Tuzlanskog kantona od 13.02.2025. godine, Zapisnik o pregledu i obdukciji leša prof. Dr. Zdenko Cihlaž broj: KTA 32/25 od 13.02.2025. godine, od I.S., Zapisnik o pregledu i obdukciji leša prof. Dr. Zdenko Cihlaž broj: KTA 32/25 od 13.02.2025. godine, od Mldb.1, zatim fotodokumentacija od 17.02.2025. godine, isto tako fotodokumentacija od 17.02.2025. godine, Obavijest KT TK od 07.03.2025. godine, Naredba Kantonalnog suda u Tuzli od 10.03.2025. godine, Naredba za vještačenje tjelesnih povreda oštećenih i vremena smrti od 03.03.2025. godine, Nalaz i mišljenje vještaka medicinske struke od 10.03.2025. godine, Naredba za psihijatrijsko vještačenje po timu vještaka od 05.03.2025. godine, Odluka JZU UKC Tuzla o imenovanju tima vještaka od 11.03.2025. godine, Nalaz i mišljenje timskog psihijatrijskog-psihološkog vještačenja od 05.05.2025. godine, Naredba za biološko vještačenje i analizu DNK kiseline od 17.03.2025. godine, Dopuna Naredbe za biološko vještačenje i analizu DNK kiseline od 14.04.2025. godine, Nalaz i mišljenje o izvršenom vještačenju o DNK vještačenju od 16.05.2025. godine, Naredba za informaciono komunikacijsko vještačenje (IKT) KT TK od 07.05.2025. godine, Naredba za dopunu informaciono komunikacijskog vještačenja KT TK od 07.05.2025. godine, Nalaz i mišljenje vještaka IKT od 15.07.2025. godine, Zahtjev za otvaranje, pregled i pretres kompjuterskih sistema, uređaja za pohranjivanje kompjuterskih i elektronskih podataka od 13.06.2025. godine, Zahtjev za izdavanje naredbe za otvaranje, pregled i pretres mobilnih telefona od 13.06.2025. godine, zatim zapisnik o otvaranju pregledu i pretresu privremeno oduzetih

predmeta od 20.06.2025. godine, zatim naredba za pretresanje pokretnih stvari od 16.06.2025. godine, zatim ispravka iste naredbe od 19.06.2025. godine, naredba ta pretresanje pokretnih stvari od 16.06.2025. godine, kao i ispravka iste od 19.06.2025. godine, zatim naredba za vještačenje mobitela od 20.06.2025. godine, zatim naredba za vještačenje laptopa, isto tako od 20.06.2025. godine, zatim Fotodokumentacija koja se odnosi na otvaranje, pregled i pretres privremeno oduzetih predmeta od 02.07.2025. godine, Izvještaj o nasilnom ulasku u stan PU Kalesija, OKP dana 12.02.2025. godine, Zapisnik o zatečenom stanju PU Kalesija, OKP od 13.02.2025. godine, Zapisnik o uviđaju Uprava policije Tuzla od 13.02.2025. godine, Fotodokumentacija na kojoj se nalaze beživotna tijela I.S. i Mldb.1 sačinjenoj u PU Kalesija, OKP od 13.02.2025. godine, Zapisnik o obezbjeđenju lica mjesta PU Kalesija od 13.02.2025. godine, Skica lica mjesta od 20.02.2025. godine, zatim fotodokumentacija od 22.02.2025. godine, zatim zahtjev za raspisivanje centralne potrage za tablicama tj. operativna potraga od 13.02.2025. godine, zatim operativna potraga za licem od 13.02.2025. godine, Zapisnik o uviđaju PU Banja Luka, PS Prnjavor od 17.02.2025. godine, zatim isto tako zapisnik sačinjen u PS Prnjavor od 13.02.2025. godine, zatim isto tako zapisnik PS Prnjavor od 13.02.2025. godine, Potvrda o predaji predmeta sačinjena u PS Prnjavor od 13.02.2025. godine, Potvrda o predaji predmeta sačinjena u PS Prnjavor od 13.02.2025. godine, zatim zapisnik o pretresanju PS Prnjavor od 17.02.2025. godine, Izvještaj o izvršenom pretresanju lica bez naredbe PS Prnjavor od 17.02.2025. godine, Zapisnik o pregledu lica PS Prnjavor od 17.02.2025. godine, Potvrda o privremenom oduzimanju predmeta, isto tako PS Prnjavor od 17.02.2025. godine, Potvrda o predaji predmeta sačinjena u PS Prnjavor dana 17.02.2025. godine, Službena zabilješka PS Prnjavor od 13.02.2025. godine, Službena zabilješka sačinjena u PS Modriča od 14.02.2025. godine, zatim informacija Centra za socijalni rad Kalesija od 13.02.2025. godine, Naredba za prevoz vozila Kantonalnog tužilaštva TK od 13.02.2025. godine, zatim zapisnik o prijemu vozila Uprava policije, Jedinica policije za specijalnu podršku Tuzla od 13.02.2025. godine, Naredba KT TK za tjelesni pregled od 17.02.2025. godine, Protokol hitnog medicinskog slučaja Hitne pomoći Tuzla, zatim imamo nalaz i mišljenje Hitne medicinske pomoći JZU DZ Prnjavor od 17.02.2025. godine, Naredba Osnovnog suda u Modriči od 14.02.2025. godine, Potvrda o dobrovoljnoj predaji predmeta PS Modriča od 14.02.2025. godine, Zapisnik o dobrovoljnoj predaji predmeta sačinjen u PS Modriča od 14.02.2025. godine, Potvrda o lišenju slobode PS Prnjavor od 17.02.2025. godine, Potvrda o predaji lica lišenog slobode PS Prnjavor od 17.02.2025. godine, Naredba KT TK o preuzimanju lica lišenog slobode od 18.02.2025. godine, Zapisnik o dobrovoljnoj predaji predmeta od 18.02.2025. godine, Potvrda o privremenom oduzimanju predmeta od 18.02.2025. godine, Zapisnik o predaji osobe kojoj je oduzeta sloboda nadležnom tužiocu od 18.02.2025. godine, Potvrda o privremenom oduzimanju predmeta od 14.02.2025. godine, Zapisnik o dobrovoljnoj predaji predmeta od 14.02.2025. godine, Naredba i odobrenje za pregled snimaka videozapisa KT TK od 17.02.2025. godine, Zapisnik o otvaranju, pregledu i privremeno oduzetih predmeta, pretresu i pregledu CD-DVD-a od 18.02.2025. godine, zatim zapisnik o otvaranju i pregledu video zapisa izuzetih od DVD diskova, sa priložima od dana 19.02.2025. godine, a od priloga imamo 2 CD-a, zatim službena zabilješka od 17.02.2025. godine, Fotodokumentacija, koja se odnosi na otvaranje i pregled DVD-ova „Piemonte“ i Slavuljice tržnog centra, benzinske pumpe pardon od 18.02.2025. godine, zatim zapisnik o otvaranju, pregledu i privremeno oduzetih predmeta, pretresu i pregledu CD-ova, DVD-ova od 18.02.2025. godine, zatim fotodokumentacija koja se odnosi na pakovanja DVD-ova, na kojoj se nalazi snimak sa stambeno-poslovne zgrade „Piemonte“ od 17.02.2025. godine, zatim prijedlog za izdavanje naredbe za izuzimanje tragova biološkog porijekla – briseva sa vozila i izuzimanje predmeta iz vozila KT TK od 24.02.2025. godine, Naredba za izuzimanje tragova biološkog porijekla Kantonalnog suda Tuzla od 25.02.2025. godine, Izvještaj o realizaciji naredbe Sektor

kriminalističke policije Tuzla od 27.02.2025. godine, Zapisnik o pretresanju putničkog motornog vozila marke „Škoda fabija“ Sektor kriminalističke policije Tuzla od 27.02.2025. godine, Potvrda o privremeno oduzimanju predmeta od 27.02.2025. godine, zatim fotodokumentacija koja se odnosi na izuzimanje tragova biološkog porijekla i forenzička obrada putničkog motornog vozila „Škoda fabija“ Sektora kriminalističke policije od 03.03.2025. godine, zatim prijedlog za izdavanje naredbe za izuzimanje biološkog materijala – uzoraka bukalne sluznice i krvi Selimović Emira radi DNK analize od 03.03.2025. godine, Naredba Kantonalnog suda u Tuzli za uzimanje biološkog materijala od 04.03.2025. godine, Izvještaj o realizaciji naredbe Sektor kriminalističke policije od 06.03.2025. godine, Zapisnik o uzimanju nespornih uzoraka biološkog porijekla odnosno uzimanje uzoraka krvi i brisa bukalne sluznice Sektor kriminalističke policije od 06.03.2025. godine, zatim fotodokumentacija Sektor kriminalističke policije koja se odnosi na uzimanje uzoraka, sačinjena u Domu zdravlja Tuzla od 06.03.2025. godine, zatim obavijest KT TK od 07.03.2025. godine, Naredba Kantonalnog suda u Tuzli za pohranu i čuvanje privremeno oduzetih predmeta od 10.03.2025. godine, zatim dobrenje za otvaranje i pregled privremeno oduzetih predmeta KT TK od 03.03.2025. godine, zatim imamo zapisnik o otvaranju, pregledu privremeno oduzetih predmeta, pretresu CD-ova, zatim imamo zapisnik o otvaranju i pregedu privremeno oduzetih predmeta, pretresu i pregledu CD-a odnosno diska Sektor kriminalističke policije od 05.03.2025. godine, zatim izvještaj o izvršenoj analizi kretanja vozila škoda fabia registarskih oznaka ... Sektor kriminalističke policije Tuzla od 06.03.2025. godine, Fotodokumentacija Sektor kriminalističke policije sačinjena u vezi otvaranja tragova od dana 06.03.2025. godine, zatim prijedlog za izdavanje naredbe operaterima telekomunikacijskih usluga Sektora kriminalističke policije Tuzla od 14.02.2025. godine, Odobrenje KT TK od 14.02.2025. godine, Naredba Kantonalnog suda Tuzla od 14.02.2025. godine, Izvještaj o realizaciji naredbe operaterima telekomunikacijskih usluga Sektor kriminalističke policije Tuzla od 20.03.2025. godine, Naredba KT TK od 17.03.2025. godine, Analiza telekomunikacijskih podataka dobijenih od strane telekom operatera BH Telecom Sarajevo, d.d. Sektor kriminalističke policije Tuzla od 16.04.2025. godine, sa prilogom bijela koverta u kojoj se nalazi cd koji je dostavljen od strane BH Telecoma d.d. Sarajevo, zatim rješenje Općinskog suda u Kalesiji od 26.02.2025. godine, zatim izvod iz matične knjige rođenih, koji se odnosi na Mldb.1 od 30.07.2025. godine, zatim fotodokumentacija Sektor kriminalističke policije koja se odnosi na fotografisanje i pakovanje predmeta od 18.02.2025. godine zatim fotodokumentacija koja se odnosi na slikanje mobitela Samsung vlasništvo A.M. od dana 13.02.2025. godine, zatim fotodokumentacija PU Kalesija koja se odnosi na fotografisanje mobitela K.H. od 13.02.2025. godine, zatim fotodokumentacija Sektora krim. policije Tuzla koja se odnosi na fotografisanje mobilnog telefona od 17.06.2025. godine, zatim fotodokumentacija Sektora krim policije koja se odnosi na fotografisanje poruka A.G. od 17.06.2025. godine zatim rješenje o isplati troškova vještaku KT od 18.02.2025. godine isto tako rješenje o isplati troškova na ime vještačenja tjelesnih povreda oštećenih i vremena smrti KT od 11.03.2025. godine, zatim rješenje o isplati troškova KT KT koji se odnosi na isplatu troškova Dom zdravlja „Dr. Mustafa Šehović“ Tuzla od 17.03.2025. godine, rješenje KT TK koji se odnosi na isplatu troškova Komemorativni centar d.o.o. Tuzla od 07.04.2025. godine, rješenje o isplati troškova KT od 07.04.2025. godine, rješenje KT od 20.07.2025. godine koji se odnosi na isplatu troškova vještaku informaciono komunikacijske struke, zatim rješenje KT TK od 30.07. koji se odnosi na isplati troškova na ime troškova izvršenih usluga timskog psihijatrijsko-psihološko vještačenje i psihijatrijske ekspertize na ime Selimović Emira i zatim imamo izvod iz kaznene evidencije PU Tuzla 14.02.2025. godine, te popis troškova isplaćenih iz predračunskih sredstava tužilaštva od 31.07.2025. godine. Zatim predmeti tragovi krvi sa predmeta, tragova i briseva pronađenih i izuzetih na licu mjesta što je konstatovano Zapisnikom o uviđaju Uprave policije, Sektor kriminalističke

policije Tuzla od 13.02.2025.godine, i to: rukohvat brave, cilindar brave i sitni metalni dijelovi brave, što je označeno pozicijom broj 1, fotografisano i izuzeto sa lica mjesta, cilindrični uložak i dijelovi istog koji su označeni pozicijom broj 5, papirna maramica, bijele boje, izuzeta sa unutrašnje strane ulaznih vrata na dijelu namijenjenom za špijunku sa unutrašnje strane iste koja je označena pozicijom broj 8, džemper bijele, bijele i crne boje koji je označen pozicijom broj 10, jorgan sa više boja, označen pozicijom broj 12, prazna pvc boca od 0,5 l, zelene boje, koja je probušena u donjem dijelu, sa naljepnicom Sarajevski kiseljak, što je označeno pozicijom broj 13, pvc boca od 0,5 l sa zatvaračem i naljepnicom Jana u kojoj se nalazi neznatna količina prozirne tečnosti, što je označeno pozicijom broj 14, jedna kutija od lijekova Neocef od 400, dvije kutije paracetamola od kojih je jedna prazna i jedna kutija vitaminskih tableta sa natpisom Taxofit Augen, što je označeno pozicijom broj 15, jastuk, plave boje, sa detaljima "mede" žute, plave i narandžaste boje, što je označeno pozicijom broj 17, majica dugih rukava, žute boje, marke "Nike", što je označeno pozicijom broj 18, sve ovo se nalazi upakovano u srednju smeđu papirnu vreću, originalno zapakovanu, te oblijepljenu crvenom trakom sa natpisom "DOKAZ", na kojoj vreći je zalijepljen bijeli papir A4 formata, na kojem je naznačen i sadržaj iste i to broj 11-18-18/4-03-5-451/25, a koji su izuzeti prilikom uviđaja, deka plave boje sa detaljima bijele i crvene boje, što je označeno pozicijom broj 20, komad papira na kojem se nalazi ručno pisani tekst "Ostala si neki dan duže", što je označeno pozicijom broj 23, pvc boca, prozirne boje, sa natpisom Jana, 1,5 l, sa zatvaračem u kojoj se nalazi određena količina tekućine smeđe boje, što je označeno pozicijom broj 24, punjač sa kablom, bijele boje, sa natpisom "PLATOOM", što je označeno pozicijom broj 26, komad nakita, kao i utor SIM kartice mobilnog telefona, što je označeno pozicijom broj 27, opušak od cigarete, žuto bijele boje koji je označen pozicijom broj 28, dva peškira, bijele boje koja su označena pozicijom broj 29, uže (duža pertla), što je označeno pozicijom broj 30, kablo, bijele boje od punjača, što je označeno pozicijom broj 31, Ugovor o radu između firme ... i Selimović Emira sa ljekarskom dokumentacijom i dokumentacija o bračno razvodnoj parnici između I.S. i Selimović Emira, označeno pozicijom broj 32, dva lista papira A4 format sa ručno pisanim tekstom, kao i sveska A4 format sa natpisom "off road", što je označeno pozicijom broj 34, nalazi, par rukavica crne i sive boje, što je označeno pozicijom broj 35, dukserica sa kapuljačom, sive boje, što je označeno pozicijom broj 36, jakna crne boje, sa natpisom u unutrašnjosti "page one 146/152", što je označeno pozicijom broj 37, a sve ovo se nalazi e upakovano u veliku smeđu papirnu vreću, originalno zapakovanu, te oblijepljenu crvenom trakom sa natpisom "DOKAZ", na kojoj vreći je zalijepljen bijeli papir A4 formata, na kojem je naznačen i sadržaj iste, i to sa brojem 11-18-18/4-03-5-451/25, a koji su izuzeti prilikom uviđaja, zatim Prilikom pregleda i pretresa putničkog automobila marke "Škoda-Fabia" registarskih oznaka ..., pronađeni su i izuzeti slijedeći tragovi: Ključ od motornog vozila sa logom "Škoda", sa privjeskom bijele boje i natpisom "Škoda", i još jednim privjeskom u obliku pet manjih bijelih kockica a na svakoj od njih nalaze se utisnuta slova "T....", te na kraju istog dva manja kamenčića zelene boje, koja su izuzeta sa sa istog trag prikupljen je bris na sterilni vatirani štapić, navlaka na volanu vozila sa cvijetnim dezenima, mobilni telefon marke "Samsung", crne boje sa sivom silikonskom zaštitom na kojoj se nalazi natpis "keep smile" koji je takođe izuzet, te sa kojeg je prikupljen Bris na sterilni vatirani štapić, zatim novčanik crne boje u kojem se nalazi jedna novčanica od 20 KM serijskog broja ..., tri metalne kovanice od 1 KM, jedna metalna kovanica od 0,10 KM, jedna fotografija sa slikom djeteta, lična karta na ime Selimović Emir serijskog broja ..., vozačka dozvola na ime Selimović Emira serijskog broja ..., iskaznica R. S. na ime Selimović Emira, zdravstvena legitimacija na ime Selimović Emira, bankovna kartica NLB banke-Visa na ime Selimović Emira, žuti komad papira na kojem je rukopisom ispisan tekst koji počinje "Porezna kartica...", zatim fiskalni račun od dana 28.04.2024. godine ma kojem je ispisan ..., uplatnica na ime Selimović Emir od 29.0.2024.

godine, koja je izuzeta, zatim jedna manja plava pvc vrećica plave boje izuzeta, tri komada CD-R, M-media, izuzeta, jedan platneni kaiš na krajevima sa crnim kožnim dijelovima i zakačkama, jedna visit kartica sa ženskim likom i imenom I.S., obrazac DNA, ključ sa plavim privjeskom i bijelom pločicom na kojoj se nalazi natpis EMIR, izuzet, potvrda o registraciji serijskog broja ... za pmv Škoda Fabia registarskih oznaka ..., na ime I.S., par smeđih čizama veličine 37, platneni ceger, bež boje sa dezenom crna srca i natpisom Kik, a sve ovo se nalazi upakovano u veliku smeđu papirnu vreću, originalno zapakovanu, te oblijepljenu žutom trakom sa natpisom "DOKAZ", na kojoj vreći je zalijepljen bijeli papir A4 formata, na kojem je naznačen i sadržaj iste, i to 11-18-18/4-03-5-451/25, svi dokazi prikupljeni prilikom pregleda i pretresa putničkog automobila marke "Škoda-Fabia" registarskih oznaka .... Predmeti izuzeti sa leša Mldb.1 tokom obdukcije i predmeti izuzeti sa leša I.S. tokom obdukcije: bijela papirna vrećica oblijepljena žutom trakom "Dokaz" u kojoj se nalazi jedan par čarapa bijele boje prikupljen prilikom obdukcije Mldb.1, bijela papirna vrećica oblijepljena žutom trakom "Dokaz" u kojoj se nalazi donji veš- bokserice crne boje sa natpisom "Sinsay", prikupljen prilikom obdukcije Mldb.1, bijela papirna vrećica oblijepljena žutom trakom "Dokaz" u kojoj se nalazi jedna majica bijele boje sa natpisom "Los Angeles" na prednjoj strani "La California" na stražnjoj strani, prikupljen prilikom obdukcije Mldb.1, bijela papirna vrećica oblijepljena žutom trakom "Dokaz" u kojoj se nalazi donji dio trenerke bijele boje sa natpisom "Primark", prikupljen prilikom obdukcije Mldb.1, bijela papirna koverta oblijepljena žutom trakom "Dokaz" u kojoj se nalaze odsječeni vrhovi nokata prstiju lijeve ruke, uzeti prilikom obdukcije Mldb.1, bijela papirna koverta oblijepljena žutom trakom "Dokaz" u kojoj se nalaze odsječeni vrhovi nokata prstiju desne ruke, izuzeti prilikom obdukcije Mldb.1, bijela papirna vrećica oblijepljena žutom trakom "Dokaz" u kojoj se nalazi donji veš-gačice ljubičaste boje sa uloškom bijele boje i tragovima crveno smeđe boje koji asociraju na krv, prikupljeno prilikom obdukcije I.S., bijela papirna vrećica oblijepljena žutom trakom "Dokaz" u kojoj se nalazi džemper crne-smeđe-bež boje sa natpisom "Only", prikupljen prilikom obdukcije I.S., bijela papirna vrećica oblijepljena žutom trakom "Dokaz" u kojoj se nalazi donji dio trenerke bež boje, prikupljena prilikom obdukcije I.S., bijela papirna vrećica oblijepljena žutom trakom "Dokaz" u kojoj se nalazi grudnjak bijelo-sive boje, prikupljen prilikom obdukcije I.S., bijela papirna koverta oblijepljena žutom trakom "Dokaz" u kojoj se nalazi jedan ženski sat zlatne boje sa natpisom "Burker", izuzet prilikom obdukcije I.S., bijela papirna koverta oblijepljena žutom trakom "Dokaz" u kojoj se nalazi jedan lančić srebrene boje sa okruglim privjeskom, izuzet prilikom obdukcije I.S., bijela papirna koverta oblijepljena žutom trakom "Dokaz" u kojoj se nalazi jedan par čarapa bijele boje, izuzeti prilikom obdukcije I.S., bijela papirna koverta oblijepljena žutom trakom "Dokaz" u kojoj se nalazi jedna narukvica zlatne boje, izuzeta prilikom obdukcije I.S., bijela papirna koverta oblijepljena žutom trakom "Dokaz" u kojoj se nalaze odsječeni dijelovi nokata prstiju lijeve ruke, uzeti prilikom obdukcije I.S. i bijela papirna koverta oblijepljena žutom trakom "Dokaz" u kojoj se nalaze odsječeni dijelovi nokata prstiju desne ruke, uzeti prilikom obdukcije I.S., a sve ovo se nalazi upakovano u veliku smeđu papirnu vreću, originalno zapakovanu, te oblijepljenu crvenom trakom sa natpisom "DOKAZ", na kojoj vreći je zalijepljen bijeli papir A4 formata, na kojem je naznačen i sadržaj iste kao i broj 11-18-18/4-03-5-451/25, zatim predmeti izuzezeti prilikom lišenja slobode i uviđajem od osumnjičenog sada optuženog Selimović Emira i predmeti pronađeni na licu mjesta prilikom uviđaja od strane PS Prnjavor i to: PVC boca u kojima se nalazi tečnost SKY LEMON, 0.5 l, plastična boca narandžaste boje, solna kiselina 1 l, platneni kaiš sa crnom kopčom, upaljač bijele boje, španer ljubičaste boje, a sve se nalazi upakovano u srednju smeđu papirnu vreću, originalno zapakovanu, te oblijepljenu crvenom trakom sa natpisom "DOKAZ", na kojoj vreći je zalijepljen bijeli papir A4 formata, na kojem je naznačen i sadržaj iste kao i gdje je ispisan broj 11-18-18/4-03-5-451/25, zatim predmeti izuzezeti

prilikom lišenja slobode i uviđajem od osumnjičenog Selimović Emira i predmeti pronađeni na licu mjesta prilikom uviđaja od strane PS Prnjavor i to: dukserica sa kapom sive boje, farmerice plave boje, majica kratkih rukava sa natpisom "PIEMONTE TUZLA", par patika crveno-crne boje sa natpisom "NIKE", bokserice crne boje i par čarapa crne boje, a sve ovo se nalazi upakovano u srednju smeđu papirnu vreću, originalno zapakovanu, te oblijepljenu crvenom trakom sa natpisom "DOKAZ", na kojoj vreći je zalijepljen bijeli papir A4 formata, na kojem je naznačen i sadržaj iste i ispisan broj 11-18-18/4-03-5-451/25.

Sud je, nakon što je ostvario uvid u dokaze Kantonalnog tužilaštva Tuzlanskog kantona, utvrdio krivicu optuženog za pomenuta krivična djela, kao i da je njegovo priznanje na glavnom pretresu potpuno u skladu sa dokazima koje je Kantonalni tužilac uložio na glavnom pretresu, a u koje je sud ostvario uvid.

Tako, iz zapisnika o uviđaju Sektora kriminalističke policije MUP-a TK broj 08-06/3-1-03.3-702/25 od 13.02.2025. godine proizilazi da je dana 12.02.2025. godine u 19,15 sati, pristupila Š.B. i tom prilikom prijavila da se njena kćerka I.S. i unuk Mldb.1, koji stanuju u Centru u zgradi ... na ... spratu stan broj ..., ne javlja i da ima problema sa svojim mužem Selimović Emirom, da su isti pred razvodom braka te da sumnja da se njenoj kćerki nešto desilo. Nakon što su službenici policije postupili po navedenoj prijavi utvrdili su da je stan lociran na ... spratu stambeno poslovnog objekta u ulici ... u Kalesiji zaključan, da se I.S. navedenog dana nije pojavila na radnom mjestu niti da je Mldb.1 bio u školi. Od strane službenika PU Kalesija uz asistenciju pripadnika profesionalne Vatrogasne jedinice Kalesija izvršen je nasilan ulazak u navedeni stan kojom prilikom su u stanu zatečena dva tijela malodobnog muškog i ženskog pola koji nisu davali znakove života. Pri tome mrtvo tijelo ženskog pola je zatečeno na dužem dijelu ugaone sećije u dnevnom boravku, a malodobnog muškog pola na ležaju u dječijoj sobi.

Sud je utvrdio da je priznanje optuženog u skladu sa dokazom zapisnikom o pregledu i obdukciji leša izrađenog od strane sudskog vještaka sudske medicine prof. dr. Zdenka Cihlarža od 13.02.2025. godine iz čijeg sadržaja proizilazi da je smrt I.S. i Mldb.1 neposredno nastupila uslijed nasilnog mehaničkog udušenja nastalog stezanjem vrata po tipu zagušenja - stezanjem vrata šakom ili šakama i da je smrt ubilačkog karaktera.

Na te okolnosti iz nalaza i mišljenja vještaka sudske medicine prof. dr. Zdenke Cihlarža od 10.03.2025. godine proizilazi da je I.S. zadobila slijedeće povrede: brojna sitna tačkasta i sitno mrljasta krvarenja veznica oba oka, u predjelu lijeve uške, lijevog slijepoočnog predjela glave, desnom obraznom predjelu lica, donje polovice vanjske strane desne uške, desne strane vrata, lijevo ispod donjeg ruba donje vilične kosti, kao i u predjelu tkiva mekog oglavka te baze oba pluća, nepravilno okruglasta oguljotina kože donjeg dijela desne strane lica, neposredno ispod donjeg ruba donje - vilične kosti, promjera oko 0.9 x 1.1 cm, potom u desnom dosredišnjem dijelu vrata u nivou grkljana, promjera oko 1 cm, izduženo ovalni krvni podliv kože lijeve bočne strane vrata, dužine oko oko 0.7 i širine do oko 0.4 cm. te jedan iznad ovoga na udaljenosti oko 1 cm., istih dimenzija, a koji se nalazi u istom nivou kao prethodni, krvna podliveost mišićja u donjem dijelu vrata sprijeda, a u nivou neposredno ispod grkljana, sitno pjenušava dijelom sukričava tečnost u zjapu dušnika, posebno njegovog donjeg dijela kao i glavnih ogranaka dušnica, izrazita krvna podlivenost meko - tkivnih struktura i mišićja na bočnim stranama vrata, na udaljenosti od oko 1 cm ispod donjeg ruba grljana, po jedno izduženo polje, lijevo dužine oko 4 i desno oko 3 cm., a širine do oko 2 cm, dva krvna podliva mekih tkiva i to po jedan sa svake strane stražnjeg dijela ulaza u grkljan kao i na prednjoj strani donjeg dijela grkljana i gornjeg dijela dušnika, u dužini od oko 5 cm. i širini do oko 2.5 cm, krvna podlivenost korijena jezika, opšta

višekrvnost tkiva i organa, dva krvna podliva tkiva mekog oglavka, jednog u lijevom bočno gornjem i stražnjem čeonom predjelu, veličine manjeg muškog dlana i drugo u okruglastom polju promjera oko 3.5 x4 cm. u stražnje gornjem tjemenom predjelu glave, minimalan izliv krvi ispod tvrde mozgovne ovojnice na konveksitetu obiju polutina velikog mozga, te da je smrt oštećene I.S. nasilna i nastupila uslijed mehaničkog ugušenja, a koje je uzrokovano stezanjem vrata po tipu zagušenja/strangulatio manualis / i to višekratnim snažnim stezanjem vrata prstima, moguće i jedne te iste šake, pri čemu je povredioc pri stezanju vrata žrtve stezanje vršio sa jednim ili više pomjeranja prstiju jednom istom rukom, odnosno istim prstima, a u položaju povredioca ispred odnosno iznad povredjene, a ove u ležećem položaju na leđima. Dalje je vještak naveo da dva krvna podliva tkiva mekog oglavka su nastala najmanje dvokratnim djelovanjem - udarcima nekog tupo - tvrdog zamahnutog mehaničkog oruđa, sa slijedstveno nastalim minimalnim izlivom krvi ispod tvrde moždane ovojnice na konveksitetu obje polutine velikog mozga čime je, u konkretnom slučaju najvjerojatnije nastao poremećaj svijesti oštećene, moguće po tipu potresa mozga, a što bi išlo u prilog i činjenici da bi naknadno obavljeno stezanje vrata bilo učinjeno bez ili bar ozbiljnijeg pružanja otpora oštećene, te da obzirom na gotovo potpuni gubitak mrtvačke ukočenosti pri pregledu mrtvog tijela oštećene, pun mokraćni mjehur, sasušene usne i rožnjače kao i negubljenje mrtvačkih mrlja na pritisak prstima kao i izmjereni nivo tjelesne temperature ispod 35 stepeni C pri pregledu leša bi ukazivali na veliku vjerovatnoću nastanka smrti oštećene negdje iza ponoći dana 12.03.2025 godine, moguće i u periodu između 03,00 i 04,00 sata.

Takođe je i u odnosu na Mldb.1 vještak naveo da je zadobio slijedeće povređivanje: brojna sitna tačkasta i sitno mrljasta krvarenja u koži čela, lica, gornjeg desnog očnog kapka, desnog slijepoočnog predjela glave, desnog zaušnog predjela kao i u veznicama desnog oka, te u tkivu mekog oglavka i ispod nasrčnice kako u predjelu prednje strane lijeve komore srca, tako i straga u predjelu njegove baze te spod plućnice baze oba pluća kao i u tkivu vilače, osam uglavnom izduženo ovalnih odnosno okruglastih oguljotina kože prednje strane vrata, u nivou grkljana, nešto bočno lijevo, a posebno desno iznad i prema donjem rubu donje-vilične kosti, s tim što je jedan od njih, a koja se nalazi ispod donjeg dijela desne polovice donje vilice je izduženo okruglastog oblika, položena gotovo horizontalno dužine oko 2.8 i širine do oko 0.8-0,9 cm, te jedna vodoravno postavljena crtasta oguljotina kože u predjelu jedne od njih i to u njenom bazalnom dijelu, a koja se nalazi u desnom dosredišnjem dijelu vrata u nivou gornjeg dijela grkljana, dužine oko 0.8 cm, krvna podlivenost mekih tkiva u nivou grkljana obostrano u poljima uglavnom okruglastog oblika premjera nešto većeg od 1 cm. kao i sa obje bočne strane gornjeg nivoa dušnika te krvni podlivi u bočnim dijelovima vrata nešto iznad grkljana, obostrano, kao i u predjelu ulaznog dijela u dušnik obostrano, po jedno krvarenje okruglastog oblika, prečnika nešto manjeg od 1 cm, sitno pjenušava dijelom sukrvičava tečnost u zjapu dušnika, osobito njegovog donjeg dijela i dušnika i opšta višekrvnost tkiva i organa, te da da je smrt oštećenog Mldb.1 neposredno nastupila uslijed nasilnog mehaničkog ugušenja nastalog stezanjem vrata po tipu zagušenja /strangulatio manualis / i to višekratnim snažnim stezanjem vrata prstima, moguće i jedne te iste šake, a pri čemu je pri stezanju vrata vrhovima prstiju povredilac stezanje vršio sa jednim ili više pomjeranja prstiju jednom istom rukom, a u položaju kada bi se povredilac nalazio ispred odnosno iznad oštećenog, a ovoga u ležećem položaju na leđima. Dalje je vještak naveo da brojnost i raspoređenost tragova stezanja vrata kao i sam mehanizam nastanka ove nasilne smrti bi ukazivali da je prošlo nešto više vremena od momenta stezanja vrata pa do momenta nastupanja smrti / barem nekoliko minuta - a maksimalno 5-7 minuta, u kojem periodu oštećeni je mogao pružati otpor, npr. odgurivanjem povredioca, te da bi vrijeme nastanka smrti Mldb.1 bilo identično onom navedenom u prethodnom vještačenju tj. negdje iza ponoći dana 12.03.2025. godine i u periodu između 03,00 i 04,00 sata.

Da je optuženi u kritično vrijeme kada je nastupila smrt oštećenih boravio u stanu zajedno sa njima, i da se dao u bjekstvo sa putničkim motornim vozilom marke Škoda Fabija registarskih oznaka ... vlasništvo I.S., sud je pored priznanja optuženog utvrdio i pregledom sadržaja snimka video nadzorne kamere sa objekta „Piemonte“ u Kalesiji i iz sadržaja zapisnika o otvaranju i pregledu iz kojeg prozilazi da je dana 11.02.2025. godine u 16:10:12 sati uočena osoba koja po svom izgledu odgovara optuženom, da je obučena u tamnu trenerku i patike i tamnu jaknu ogrnutu preko leđa, kako ulazi u stambenu zgradu u ulazu C, da se dana 12.02.2025. godine u vremenskom periodu od 06:34:06 do 06:34:29 uočava aktiviranje žmigavaca na vozilu Škoda Fabia, nakon čega osoba koja po svom izgledu odgovara lice optuženom obučena u svijetlije pantalone, tamniji džemper-dukserice kako dolazi do vozila otvara vrata i ulazi u unutrašnjost vozila, te sa istim odlazi, a prilikom kretanja sa vozilom Škoda Fabia uočava se da se na prednjoj strani vozila registarska tablica nejasno prve tri oznake dok su zadnje tri oznake ... i na osnovu iskaza svjedoka D.D., koji je u svojoj izjavi naveo da je osoba koja mu se predstavila kao Emir Selimović iz Kalesije došla na benzinsku pumpu sa navedenim vozilom registarskih oznaka ..., i na osnovu sadržaja zapisnika Policijske stanice Prnjavor od 13.02.2025. godine iz kojeg proizilazi da je dana 13.02.2025. godine u mjestu Drenova, općina Prnjavor u šumi na proširenju pored lokalnog makadamskog puta pronađeno napušteno putničko motorno vozilo marke Škoda, tip Fabija registarskih oznaka ... vlasništvo I.S., kao i iz potvrde Policijske stanice Prnjavor od 17.02.2025. godine o lišenju slobode optuženog Emira Selimovića dana 17.02.2025. godine u 10,45 sati.

Sud je cijenio navedene dokaze, priznanje optuženog kao i iskaz svjedoka D.D. iz kojeg proizilazi da mu je ,tada osumnjičeni, neposredno nakon kritičnog događaja pričao da je neki njegov prijatelj koji je bio razveden od svoje supruge ali da su živjeli u istom stanu u 03,30 sati usmratio svoju suprugu i sina tako što ih je zadavio za vrijeme dok su oni spavali, dakle na isti način na koji su usmrćeni oštećena I.S. i Mldb.1, to sve ove činjenice koje su utvrđene na osnovu priznanja optuženog na glavnom pretresu, a koje je u skladu sa navedenim dokazima, prema ocjeni ovog suda predstavljaju jednu nedjeljivu i logičnu cjelinu iz kojih ne može proizaći nikakav drugačiji zaključak osim da je upravo optuženi izvršio krivična djela koja mu se optužnicom Kantonalnog tužilaštva Tuzlanskog kantona i stavljaju na teret i utvrdio je priznanja krivnje optuženog Emira Selimovića na glavnom pretresu potpuno i u skladu sa tim dokazima. Iz ovako utvrđenih činjenica na osnovu navedenih dokaza, čija vjerodostojnost ničim i ni od koga nije dovedena u sumnju, pa je ovaj sud utvrdio da je optuženi Emir Selimović počinio krivično djelo krivično djelo Ubistvo iz člana 166. stav 2. tačka a) Krivičnog zakona Federacije Bosne i Hercegovine u odnosu na oštećenu I.S., u sticaju sa krivičnim djelom Ubistvo iz člana 166. stav 2. tačka a) Krivičnog zakona Federacije Bosne i Hercegovine u odnosu na oštećenog mldb. Mldb.1.

Iz nalaza i mišljenja timskog psihijatrijsko-psihološkog vještačenja JZU UKC Tuzla od 05.05.2025. godine na osnovu ukupne psihološke analize ustanovljeno je da se radi o manipulativnoj, impulsivnoj, agresivnoj, razdražljivoj, emocionalno nestabilnoj, u odnosima površnoj, povredljivoj, uvredljivoj, nepovjerljivoj i sumnjičavoj osobi, nepredvidivog ponašanja, sklonoj izrazitom negiranju simptoma i tegoba te predstavljanju sebe u prihvatljivijem socijalnom svjetlu. Na osnovu ukupnog forenzičkog psihijatrijsko-psihološkog pregleda, psihološkog testiranja, proučavanja dokumentacije iz sudskog spisa i analize slučaja, a u skladu sa postavljenim zadacima pred vještake, donosimo mišljenje kako je traženo od strane tužilaštva:

Osumnjičeni Selimović Elvir ne boluje niti od trajne niti privremene duševne bolesti. On nema istoriju psihijatrijskog liječenja, a sam negira postojanje psihičkih smetnji bilo kada u životu. Psihološkim testiranjem utvrđeni su znaci poremećaja ličnosti miješanog tipa (...). Napominjemo da poremećaji ličnosti nisu duševne bolesti već predstavljaju „devijaciju normalnosti“. Osumnjičeni je osoba normalnog intelektualnog razvoja u koje nema znakova intelektualnog dizabiliteta („zaostalog duševnog razvoja“). Djelo koje mu se stavlja na teret počinjeno je kao pretežno voljna radnja motivirana ljubomorom. Također, u osumnjičenog se, tempore criminis, ne može ustanoviti postojanje privremene duševne poremećenosti bilo kojeg tipa. Njegovi postupci, koliko god bili društveno neprihvatljivi, smisleni su, cilju usmjereni, organizovani i racionalni. Na osnovu njegovog ukupnog ponašanja u trenutku činjenja djela i poslije, ne može se zaključiti da je njegova sposobnost razumijevanja svojih radnji i upravljanja vlastitim postupcima bila kompromitovana na bilo koji način. Djelo koje mu se stavlja na teret nije počinjeno pod opredjeljujućim uticajem alkohola ili drugih psihoaktivnih supstanci („droga“), niti postoje dokazi koji bi ukazivali na ovisnost o alkoholu i/ili drugim psihoaktivnim supstancama.

Ne predlaže se izricanje bilo kakve psihijatrijske sigurnosne mjere, jer ne postoje razlozi zbog kojih bi ista bila eventualno izrečena.

Osumnjičeni Selimović Emir je u trenutku činjenja djela koja mu se stavljaju na teret bio uračunljiv.

Krivično djelo ubistva na podmukao način podrazumijeva kvalifikovano ubistvo i to ubistvo praćeno je nekom drugom posebnom okolnošću koja to ubistvo čini težim, a u konkretnom slučaju to je način izvršenja – na podmukao način, pri čemu se podmuklost shvata u subjektivno-objektivnom značenju.

Objektivna strana je prikriveno i potajno vršenje ubistva u vrijeme i pod okolnostima kada žrtva ne očekuje da će biti lišena života, odnosno u planskom odabiranju načina, mjesta i sredstva za izvršenje ubistva ili takvog iznenadnog stanja u kome se ne očekuje napad na život, u kome je žrtva bespomoćna za odbranu i spašavanje svog života ili u kome se koristi njena lakomislenost i povjerenje.

Upravo ove dvije komponente subjektivnu i objektivnu sud je utvrdio iz navedenih dokaza i posebno kroz priznanje optuženog na glavnom pretresu koje je potpuno i u skladu sa prethodno navedenim dokazima, objektivnu komponentu podmuklosti predstavlja upravo način izvršenja krivičnog djela kao prikrivanog i tajnog jer je optuženi nakon što je lišio života suprugu I maloljetnog sina izašao iz stana pri čemu je uzeo ključeve putničkog motornog vozila, te sa vanjske strane zaključao ulazna vrata stana, a potom se sa navedenim vozilom udaljio u nepoznatom pravcu skrivajući se na raznim lokacijama na prostoru Bosne i Hercegovine sve do dana 17.02.2025. godine kada je otkriven i lišen slobode, da je optuženi iskoristio povjerenje koje su imali prema njemu supruga i njegov maloljetni sin u situaciji kad kao žrtve ne očekuju da će ih optuženi lišiti života, na način, na mjestu i u vrijeme dok su spavali u svom krevetu u ranim jutarnjim časovima kad nikog drugog osim optuženog nije bilo u kući, snažnim stezanjem vrata na koji način je spriječio disanje žrtvama. Pri tome je optuženi bio svjestan svojih podmuklih radnji u namjeri da svoju suprugu I.S. i maloljetnog sina Mldb.1 liši života pa je to i htio, a što se ogleda u tome što je optuženi smišljeno vršio krivično djelo u odnosu na oboje i suprugu i sina onda kada se tome ne nadaju i kada ne mogu da pruže bilo kakav otpor.

Ocjenjujući pravno utvrđeno činjenično stanje, te činjenicu da uračunljivost tempore criminis optuženog nije bila dovedena u pitanje, jer iz opisanih radnji optuženog Selimović Emira i okolnosti i pod kojima je izvršio predmetna krivična djela, stezanjem šakama u

predjelu vrata I.S. i Mldb.1 koji su pri tome njegova supruga i malodobno dijete sa kojim je i živio u zajedničkom domaćinstvu i da je predmetna krivična djela izvršio za vrijeme dok su oštećeni spavali, što je utvrđeno na osnovu priznanja optuženog i iz sadržaja zapisnika o uviđaju i foto-dokumentacije u kojem je navedeno da su njihova beživotna tijela zatečena u krevetima i odjevena u odjeći koja je namijenjena za spavanje što sve ukazuju na subjektivni odnos optuženog prema krivičnim djelima za koje se tereti, pa je sud utvrdio da je optuženi preduzimajući navedene radnje, bio svjestan da na podmukao način usmrćuje svoju suprugu I.S. i malodobnog sina Mldb.1 jer ih je usmrtio dok su spavali, čime su bili onemogućeni da pruže bilo kakav otpor, pa je to i htio, sud je našao da su u njemu sadržana sva bitna, objektivna i subjektivna, obilježja krivičnog djela ubistvo iz člana 166. stav 2. tačka a) KZ FBiH, obzirom na utvrđeno ne postoje okolnosti koje bi isključivale krivičnu odgovornost optuženog, to ga je sud za dva krivična djela ubistvo počinjena na podmukao način, u sticaju i oglasio krivim.

Nakon što je sud optuženog oglasio krivim za ta krivična djela, pa nakon što mu je na osnovu tih članova i člana 54. stav 1. člana 42., člana 43. i člana 49., KZ FBiH utvrdio kazne zatvora i to za krivično djelo ubistvo iz člana 166. stav 2. tačka a) KZ FBiH počinjeno prema oštećenju I.S., kaznu dugotrajnog zatvora u trajanju od 44 (četrdesetčetiri) godine i za počinjeno krivično djelo ubistvo iz člana 166. stav 2. tačka a) KZ FBiH prema oštećenom malodobnom Mldb.1 kaznu dugotrajnog zatvora u trajanju od 44 (četrdesetčetiri) godine, primjenom odredaba o sticaju iz člana 54. stav 2. tačka a) KZ FBiH, optuženog osudio na jedinstvenu kaznu dugotrajnog zatvora u trajanju od 45 (četrdesetpet) godina, u koju je primjenom odredbe člana 57. KZ FBiH, optuženom uračunao vrijeme provedeno u pritvoru od 17.02.2025. godine od 10,45 sati pa do upućivanja na izdržavanje kazne zatvora.

Prilikom donošenja odluke o krivičnopravnoj sankciji, sud je prije svega vodio računa o zaprijećenju kazni za ovo krivično djelo, te je u smislu člana 49. KZ FBiH, vodio računa o svim okolnostima koje utiču da kazna bude manja ili veća, uzimajući u obzir svrhu kažnjavanja, pa je kao olakšavajuće okolnosti prilikom odmjeravanja kazne zatvora cijenio da je do sada neosuđivana, priznanje djela na glavnom pretresu, dok je od otežavajućih okolnosti sud cijenio visok stepen krivice optuženog da su mu volja i svijest bili usmjereni na izvršenje krivičnog djela, da je njegova unutrašnja odluka, namjera bila zla, hladnokrvna, odlučna, da liši života suprugu i maloljetnog sina na podmukao način, što znači da je u konkretnom slučaju taj stepen najviši mogući, potom da su djela izvršena s izuzetnim stepenom bezobzirnosti, čime je najgrublje povrijeđeno osnovno ljudsko parvo -pravo na život, da se ovdje radi o najvišem stepenu ugrožavanja zaštićenog dobra, jer su dva ljudska života ne samo oduzeta nego i unižena načinom na koji su oduzeta, lukavo hladnokrvno, bez mogućnosti odbrane žrtvi što je za društvo posebno opasno jer pokazuje planiranost, bezosjećajnost i odsustvo moralnih kočnica. Nadalje, sud je, kao otežavajuću okolnost cijenio da se radi o planskom, lukavom i bezobzirnem ponašanju, jer je optuženi iskoristio situaciju povjerenje supruge i maloljetnog sina, njihovu bespomoćnost, trenutak kada žrtve nisu slutile opasnost što okolnosti čini posebno teškim, optuženi je krivično djelo prema supruzi i maloljetnom sinu izvršio u mirnim okolnostima, hladnokrvno, bez neposredne opasnosti za sebe, što okolnosti čini naročito otežavajućim. Imajući u vidu sve navedeno, sud nalazi da kod optuženog ne postoje značajnije olakšavajuće okolnosti, dok su otežavajuće izrazito izražene, te je utvrdio pojedinačne dugotrajne kazne zatvora blizu zakonskog maksimuma po 44 (četrdesetčetiri) godine, a potom izrekao jedinstvenu kaznu dugotrajnog zatvora u zakonskom maksimumu od 45 godina, smatrajući da samo takva kazna može ostvariti svrhu kažnjavanja kako u pogledu generalne tako i specijalne prevencije.

Budući da podaci krivičnog postupka ne pružaju pouzdan osnov za potpuno, ni za djelimično presuđenje o imovinskopravnom zahtjevu, jer su oštećeni Š.B. i S.B. putem punomoćnika, dostavili ovom sudu imovinskopravni zahtjev 26.09.2025. godine u određenom iznosu, nakon što je sud dana 25.09.2025. godine objavio da je glavni pretres završen i određen datum o izricanju i objavi presude, isti su na osnovu člana 212. stav 3. ZKP FBiH upućeni da imovinskopravni zahtjev mogu ostvarivati u parničnom postupku.

Na osnovu člana 202. stav 1. Zakona o krivičnom postupku Federacije Bosne i Hercegovine optuženi je dužan da naknadi troškove krivičnog postupka u iznosu od 4.748,86 KM, od čega je 1.992,00 KM na ime obavljenih medicinskih vještačenja: 1.400,00 KM na ime obavljenog psihijatrijsko psihološkog vještačenja; 280,00 na ime obavljenog informaciono komunikacijskog vještačenja; 379,46 KM na ime izvršene usluge preuzimanje prevoza leša JKP Komemorativnom centru doo Tuzla; 674,00 KM na ime prevoza vozila JKP „Saobraćaj i komunikacije Tuzla“ doo Tuzla i 23,40 KM JZU Dom zdravlja Mustafa Šehović na ime izvršenog tjelesnog pregleda, te je dužan platiti i 100,00 KM na ime paušalnog iznosa, sve u roku od 15 dana po pravosnažnosti presude, pod prijetnjom prinudnog izvršenja, dok će sud u odnosu na troškove koji se odnose na nužne izdatke branioca u skladu sa odredbom člana 200. stav 2. ZKP FBiH donijeti posebno rješenje o visini troškova, kad se ti podaci pribave.

Zapisničar

Jasmin Mustafić, s.r.

Predsjednica vijeća

Merima Gutić, s.r.

POUKA: Protiv ove presude dozvoljena je žalba Vrhovnom sudu Federacije Bosne i Hercegovine u Sarajevu u roku od 15 (petnaest) dana od dana prijema prijepisa presude. Žalba se podnosi u tri primjerka putem ovog suda.